

《孟子》平反七难方是

孟子平反七难方是

欽定剿平捻匪方略卷二十二 丙辰年

十一月初二日 丙辰 英桂奏言 臣於十月十六日

拔營馳赴亳州與袁甲三合兵一處察哈爾馬

隊於十八日始全數到齊當會同西凌阿挑選

一千名飭令穆騰阿等管帶並令格羅額等管

帶吉林黑龍江馬隊崇安等管帶步隊鄭廷錦

等率領鄉團均於十九日由雙溝向東直擣賊

巢行至姬橋以南突遇伏匪數百人經我兵四面兜殺殲斃二百餘名生擒六十餘名二十日分兵三路進至三丈口該匪三千餘人與團勇相遇正在接戰適兩路兵勇齊到併力衝擊殺死賊匪七八百名生擒一百餘名立將該處匪巢平燬餘匪盡往東南逃竄二十一日擒首龔得率領匪黨數萬已由順河集苗家集等處直

竄太和縣境逼近縣城穆騰阿等因南路喫緊一面令鄭廷錦等帶領鄉團回駐雙溝以防宮吉寺等處賊匪西竄一面督帶馬步渡河往南跟蹤追剿二十二日行至舊縣集遙見該匪萬餘蠡擁而來我軍槍礮齊施將賊轟退馬隊向前衝擊附近村莊突出伏賊數千前賊亦折回抗拒參將賽沙布等各率兵勇併力迎敵該處

鄉團適從西面趕至隨同剿殺鏖戰兩時之久
賊匪愈聚愈多我軍佯退該匪向前猛撲崇安
親督兵勇從右哨抄出賊後穆騰阿等指揮馬
隊左右衝擊該匪紛紛潰敗自相踐踏我軍奮
力追殺四十餘里直至茨河西岸沿途殲斃賊
匪二千餘名落河淹死無算奪獲大小礮位四
百餘尊大車四百餘輛餘匪向東北狂奔天晚

收隊查該匪經此次痛剿勢必回踞老巢且探聞張落刑李廷彥等已將徐州匪衆撤回救援龔逆亟當乘勝將渦河南岸賊巢盡力剿洗臣已飛飭穆騰阿等迅速追剿尤恐北路張逆一股與南路龔逆餘匪糾合愈難撲滅復與袁月三督飭朱連泰等管帶後隊兵勇直趨東北會合莫爾賡額等馬隊且探且剿如張逆回竄卽

迎頭截擊儻仍攻撲徐郡卽馳往助解城圍其
伊興額原帶馬隊本令關保管帶隨同大兵進
剿就近由蒙城馳赴懷遠惟現在各股賊匪逼
近宿州情形喫重而徐郡防剿尤爲緊要已移
緩就急飭令關保管帶前項馬隊徑赴徐州助
剿飛飭郝光甲珠克登星速移營前進分兵援
應宿州兼顧蒙城以杜竄越奏入

上諭內閣曰擒匪竄擾渦河南岸經英桂飭令穆騰阿等各帶兵團由雙溝直擣賊巢追殺四十餘里直至茨河西岸斃賊二千餘名落河淹死無算著該撫督飭帶兵文武將渦河南岸賊巢乘勝迅卽剿洗盡殲醜類毋稍玩延

初七日辛酉容照奏言探報擒首孟繼輝率黨六七千人占踞疇町集臣當飭文武員弁懸賞招

募勇敢死士設法暗除首逆旋據署宿州知州
才宇和密稟有曠町集武舉孟貫三情願前往
卽飭該署知州密委孟貫三等乘夜直入賊巢
割取孟繼輝首級餘黨數百人蠶擁來援經參
將富昌等督率官兵開放槍礮擊斃賊匪百餘
名割取首級三十餘顆奪獲槍礮馬匹不計其
數查武舉孟貫三等奮不顧身深入賊巢克除

首逆署知州才宇和膽識俱優辦理妥速均屬
著有勞績合無仰懇

天恩給予獎勵以勸有功奏入

上諭內閣曰安徽捻首孟繼輝糾合夥黨占踞宿州之
疇町集經容照督飭署知州才宇和密委武舉孟貫
三等乘夜直入賊巢殲厥渠魁辦理尙合機宜安徽
署宿州知州才宇和著免補本班以知府留於安徽

卽補先換頂戴武舉孟貫三著以千總歸宿州營拔
補並賞戴藍翎候選縣丞黃勳著儘先卽選並賞戴
藍翎練總杜宗周著賞給五品頂戴藍翎兵丁王存
德盛萬榮王朝良均著賞給六品頂戴文童孟廣鏞
孟昭榮杜宗盛杜大成均著賞給六品頂戴以示鼓
勵

初八日 壬戌 英桂奏言西竄擒匪經我軍擊敗後

聚黨數萬仍在立德寺花溝集宮古寺等處分
踞死守並糾約捻首張落刑李廷彥等將渦河
北岸夥匪盡回南岸救援當飭穆騰阿等由南
路進剿直擣老巢朱連泰等直趨東北與莫爾
賡額會合扼剿援賊其夏邑虞城等處捻匪經
莫爾賡額督帶馬隊會同徐宗幹所派兵勇及
各該縣團練隨時搜捕先後殲賊一千餘名並

擒獲擒首王雙林等五名餘匪四散竄逸惟永
宿交界尚有零匪時出滋擾十月二十五日莫
爾賡額等探知張落刑在徐州蕭碭一帶搶掠
糧食已率衆由夏邑濟陽集向南狂奔卽帶領
馬隊跟蹤尾追斃賊數百人賊匪大股盡竄過
渦河南岸莫爾賡額等於二十七日馳抵五馬
溝與朱連泰等兵勇會合折向西南隨探隨進

二十八日我軍行至三丈口迤東張逆馬賊二千餘人步賊五六千人列隊迎敵關保等卽督馬隊奮勇衝入施放鳥槍斃賊無數該逆拼死拒戰朱連泰等領步隊直前奮擊察哈爾馬隊左衝右突逆衆紛紛向東潰竄自相踐踏死者無算馬隊跟追至楊家小莊地方又斃賊三百餘名生擒李柱等九名火藥糧食牛車拋棄滿

地經我兵全行焚燒步隊追至十餘里天已昏
黑卽行收隊馬隊追趕二十餘里二更後始行
收隊穆騰阿等一軍於二十三日從茨河西岸
拔營前進沿途節節搜剿各村伏匪斬殺殆盡
遂由高公廟渡河紮營店子集二十九日東南
有馬賊數百直撲我營穆騰阿等督帶馬隊先
往迎剿崇安督帶步隊隨後繼進行至立德寺

迪西與馬賊接仗穆騰阿等揮令馬隊縱橫衝
擊該匪登時敗退立將該處匪巢焚燬忽有伏
賊一千餘名自集後繞出迎敵復經馬隊官兵
衝散乘勝追殺未及二里突出步賊萬餘三面
繚擁而來勢甚兇猛我軍亦將馬隊分爲三股
迎剿該匪相持不退崇安督飭後隊朱連泰等
督帶馬步兵勇同時趕到兩面夾擊該匪力不